

يمكن على جرحك تمون

جرب تنام
من دون إحساس وعبون
جرب يكون
جربك جنون

حاول تخلي وحدتك
زجمه وناس
يمكن على جرحك تمون

افتح شبابيك الأمل
اطلق سراح الأمنيات
انسي اللي فات
ارسم فرح
اشعل جراح
شوف الصباح
لا تبقى في ليل الوجع
وحدك سجين

جرب تخون جربك
وترسم دمعتك
ضحكه شايقها شجون

ارسم جدار
لون من الظلمة نهار
رتب من القوضى سكون

ارفع عيونك للنسما
شوف المحر
من يتهم
يبكي سحاباته جفون

جرب تسافر في اللذي
يليا هدي
بس تقطعي
سهوة الحلم وتطير

ترحل بعيد... يليا قيود
تعبر حدود
ترسم حواجز من جنون

جرب شموعك تنطفئ
ادصدرا الفلام
وحدك تنام... وسط الزحام
حاول تكون

اعمى واحساسك عيون
يمكن على جرحك تمون..

منتهم القريش

علق الشعر هذه الشذرة على بابك



من يهدي الوجه الحزين :
ابتسامه ؟

من يهدي العاجز :
عصايه تمشيه ؟

فوق الورق

خطيت لي كم علامه + % & #

ورسمت وجه يبتسم
يمشي وجيه ..

شذرات عامية

نور سالم

الأرض بتتكلم شعبي



ياما عن "السلي" تخبت ورايه
لاخوفوها فيه ثم شافت ظلال
تقول : خلّك يا محمد معايه
واستانس العب عندها دور الإبطال
وأغار حتى من عيون اصدقايه
لاطالعوها قلت: تكفون يا عيال

محمد النفيعي

عهدي بها قدام تلبس عبايه
وانا بعد قبل البس شماغ وعقال
طفلين نتهجى حروف البدايه
الله ياما أجمل سواليف الاطفال
كانت لنا في كل شارع حكايه
وكنا نقول علوم ماهيب تنقال
وكنيت اتقاسم مامعاه معايه
من "عسكريم" التوت.. للعك ابوريال
وكانت بعكسي شاطره في القرايه
تقرأ جزء عم وطه والانفال
وانا لك الله من موارى غبايه
مدري ابو نقطة هو الذال او دال
وكانت لابويه تشتكي من شقايه
وتعلمه كيف اربط الباب بحبال
ياما على ظهري كسر من عصايه
يقول لي: خلّك وانا ابوك رجّال
وامي تقول: ادع لولدك الهدايه
خوفي تصيبه كثرة الضرب بهبال
لاشفتها مع اول السرب جايه
مدري انا اللي ملت ولا الوطا مال!
احسن قلبي يرتجف في حشايه
ماكنه الا الضيف لاهر فنجال